

ANA ITERANIBA AONON TE BETEBEKE

RONGORONGO NI KAIRIIRI MAN TE AONO

Tamaroa, Tamaroa Riki, Rianako Tamaroana

Iroun Unimwaane Meliula Fata

Wilbur ao Orville Wright a bon kinaaki ibukin karaaoan te moan wanikiba n te aonaba ae kona ni kiba man tein baina ao ukana baina nako eeta n tain butina n nako mooa ngke e nikoraoi, e butimwaaka ao e teimaan kiban aia wanikiba i karawa n te maan ae 12 te teekan n 17 iai bongin Ritembwa 1903. E a tia ni kiba inanon te raroa ae 120 te buuti (37 miita), tao iteran abwakin te Tiete ae te 747 Jumbo Jet. N ae tataneiai iai te aba n taai aikai, anne bon te kiba ae rangi ni uarereke, ma ni karokoa ngkai, aio e riki bwa te mwakuri ae nakoraoi karaoana ae e karako ae kakoaua bwa e kona ni karaoaki.

Aia karo Wilbur ao Orville a reirei kakawakin te reirei ae tamaroa, te aro, te mwakuri korakora ao katein te utu aika raraoi. Taari aika uoman aikai a tia ni rinanon te aoraki ae korakora. A rinanon taiani kangaanga ao te akea ni kaantaninga naba, ao a mimi ngkana a bon kona ni karaoa te moan wanikiba.

A katai mwakuri aika kakaokoro n aron taan boreti, taan karaoi uruakin bwatika, ao taan karaob watika, ao ni karokoa ae a riki bwa taan karaoa te wanikiba.

N te tai are a rinea te mwakuri ae a na mwakuriia, a nanomatoa ao a uaia ni mwakuri, a karaoi aia bwai n reirei ake a mwiokoaki bwa

a na karaoi n aia auti. A bon rangi n nanorinano ao ni wanawana ni karaob warabwa ao n reiakin mwakuri ake a karaoaki irouia taan karaobwai ake mai imwaia. A tokanikai ni kangaanga teutana i mwin teutana.

A kunea taari aikai bwa iai baike a kainnanoaki ibukin te mitiin ae e kona ni kiba:

1. E na riai ni kona ni kabuta te wanikiba te Bwairati.
2. Bainaa na iai aia kona ni karaoa te mwaing nako eeta.
3. Enariai ni kabutaki man korakoran te intin bwa e aonga n tiku i karawa.

Wilbur ao Orville a anai kaetieti aikai bwa kairaia ni kairiai ao n kata-neiaia n aaro nako ake a karaoi n taketenan aia kouru.

Kaetieti ao baika a kainnanoaki aikai a titebo ma ake ana uaana nakon mwanangara inanon te maiu aei ni kaineta te tia are bon te maiu

Elder Meliula Fata



ae akea tokina. Reiakinan reirei aika roko mai eta, ni karaoi ao n maiuakini ngkai ko katauraoi ni karekea te 'bao' inanon maium.

E aki reke ni karokoa te atatai n tamnei bwa antai raoi ngkoe ni kona n kawakiniko. Ngkai ko rabwakau n buokiko, ko kona n buokiko n tararua maium. Ngkana ko tangiria bwa ko na kamainga te aonaba, ko riai ni maing moa bon ngkoe.

Taari aikai iai aia kaantaninga bwa e na iai riki te wanikiba ae tamaroa riki nakon are a karaoia ao a kakoaua bwa e na tiku i karawa ni maan riki nakon ae 12 te teekan!

E rangi ni kaunganano te bitaki man aia moan wanikiba maa Wright ni karokoa tiete aika katoki ni boong aikai. E moan kakibaaki te wanikiba ae te Airbus A380 superjumbo jet n Eberi n 2005—iai ruuna ae tau iai e nakon 800 bwatintia ao iai ana kona n reitinako ni kiba n te maan ae kaniaa 18 te aoa.

N angin te tai, ngkana ti namakina te mwengaraoi ao te raoiniango, ti tiku n te aeka ni waaki anne n akea kataan karaaoan ae tamaroa riki ni katamaroaira ke ni kakororaoira [karikirakeira].

Iesu e kauringa Betero ni kangai: "Ngkana ko rairaki kakorakora kain rarikim" (Ruka 22:31–32).

N ara tai ni mwakuri ni karikirakeira, tao ti na kainnanaa bitakin

*Ana Mwakuri ni
Kamaiu lesu Kristo
e na bon aki kona n
onea mwiin tabera ni
kaawakini tuua, bwa ti
aonga ni karietataaki.*

*Ara Uea ae
Iesu Kristo e
waakina Maiuna
n te aonaba mani
moaniwaaki aika
mangori. E mate
ibukin ara bure ao
e kauka te mataroa
ibukira bwa ti
na karietataaki
ngkana ti kawakin
Ana Tua.*



anuara. Ngkana ti aki kona ni bitii anuara, a na riki bwa katein ao mwa-koron maiura. E a kaman noora te konabwai aei te Uea iroun Betero—ma ngkana e aki bitia Betero, e aki kona ni buokiia tabemwaang bwa a na rairaki.

Tera ae tia tia n reiakinna n te ririki aei man oin maiura?

Tera bitaki aika ti tangirii ni karaoi ni kaotia bwa ti kekerake n te maiu n rabwata ao n te maiu n tamnei—man

te tamaroa nakon te tamaroa riki nakon te tamaroa ae rianako?

Tera tabeua koaua ni kawai ke katei aika ti tuai n totokoi ke ti rawa ni bitii?

N te bong teuana, I buti n au kaa i Tiamoa ao inanon kawaiu, I tei ao I katoka temanna te mwaane ae uouota te uota ae tinebu iaon angana.

E toka ibukin te kaa ma uotana ao I butinako. Ngke I taraa kiraatin te kaa ao I rangi ni miimi bwa te mwaane arei

e bon tei naba ibukin te kaa ma uotana are tinebu iaon angana.

I kantaanigaia bwa e na katuka uotana iaon te kaa ao imwina e na tekateka ao ni kamotirawaa angana ni karokoa are I kabwakaa n ana kaawa.

N tabetai “katinanikuan” waaki ke katei aika kaitara ma ana reirei te euangkerio bon te kakaewenako ae matoatoa irouwia aomata ake a kaina te Ekaretia.

Iai tabeua waaki ao katei aika a kona n tukiira man te katamaro-aaki ao te kerake man te tamaroa nakon te tamaroa riki, ke man te tamaroa riki nakon te tamaroa ae rianako.

Ana euangkerio Iesu Kristo e reireniira reirei aika *rianako tamaroaia* ni buokiira ni bitii maiura.

N tokana ibukin te kaa, te mwaane arei e aki roko n ana iango ae e na katuka uotana iaon te kaa ao bwa te tekateka bon te kabanea n tamaroa ae kona ni karaoaki.

Iangoi tabeua reirein te euangkerio aika a kona n ibuobuoki ni karekeia te keerake n tamnei ni maiura, n atongii ti tabeua: te onimaki, te nanorinano, te ibuobuoki, te rairannano, te tangira, te tatato, te ikabwarabure.

A kona ni buokiira ni karaoi bitaki aika matoa man te tamaroa nakon te tamaroa riki nakon te tamaroa ae rianako.

Aikai bon reirein te kamaiuaki, bon tuan te abanuea ae te tiretio. Ngkana ti aki kona n ongeaba nakon tuua aikai, ti aki kona moan mimitonngin te tiretio. (R&B 88:22).

E moanaki aia waaki ni kiba Taari ake te Wright n te kawai ae mangori. N te tai are a rinanoni kakaewenako ni maiuia a kakoaua bwa—tiaki moan waakiia ae warenaki—ma tera tokin kawaaia.

Taraan baika a uarereke ao aika beebeete ni maiura e na uotiira nakon baika a korakora riki. A mwaiti mwaane ao aine aika korakora aika a roko man moaniwaaki aika mangori; ma aki toki n ti te tamaroa, ma a kataa

aia kabanea ni konaa n riki bwa taian kabanea n korakora.

Ara Uea ae Iesu Kristo e waakina Maiuna n te aonaba mani moaniwaaki aika mangori. E mate ibukin ara bure ao e kauka te mataroa ibukira bwa ti na karietataaki ngkana ti kawakin Ana Tua.

Ana Mwakuri ni Kamaiu Iesu Kristo e na bon aki kona n onea mwiin tabera ni kaawakini tuua, bwa ti aonga ni karietataaki. Ara Tia Kamaiu e a tia ni kaota nakoira te kawai ae *rianako tamaroana* ibukin manga okira ni maeka ma Ngaia ao ma Tamara are i Karawa. ■

ANA ITERANIBA TE AONO

Are i Karawa, mwaane ao aine aika a kona n riki bwa te kabanea n tamaroa

Iroun Tessa Dewsbury

Te Aine ae akea buuna ae 55 ana ririki ae e mamananga iaon okona.

Ibukin kanganga aika a batu n aorakina ae te tioka, ao e a karika

koreakin waen Kabuua Teubwaitoi are te angaatai.

Ma e aki tuuka Kabuua man kari-kirakean ana bitineti aika uoua ao



mwakurina ma te onimaki n te Ekaretia. Ni koauana, ko na bae ni kangai bwa e a angana riki te nanomatoa.

E beku Kabuaa n te Uoote ae Teaoraereke 2 bwa te tia reirei n te Bootaki n Aine—te wewete ae e mamate nanona iai.

Ana bitineti ake uoua—te titoa ae e uarereke ae e tei irarikin te kawai ao te co-op titoa are e kabonakoi bwai ake a karaoi aomata man baia ao bwai riki tabeua—ai bon oin kawain Kabuaa nakon te riki n toronibwai.

E moanaki tao e kaniia tebwina te ririki n nako, ngke inanon 2009 e a reke ana iango Kabuaa bwa e na katea ana bitineti imwin irakin te kiraati ae te riki n toronibwai are e kairaki man te Ekaretia. E a reiakinnia mai ikanne bwa e na kangaa ni moana ana bitineti ao ni wakinna.

Tao bon angaraoina, ngke e a kakabwaiaaki bwa iai ana tabo ni maeka iaon Tarawa ae e kan ma rarin te kawai are e a katea ana bitineti naba iai.

Te co-op titoa are a kakatokai aia bwai aomata, mwane ke aine, ake a roko man abamwakoro ake tabeua, a uotii aia bwai ake a karaoaki man baia ao bwai riki tabeua bwa e na kabonakoi—E katokai boon bwai akanne ao e kareke teutana ana raka mai iai.

Ana kaunganano Kabuaa e rootiaa tabeman aine n te aba ae uarereke aei bwa ana kareke mwane ao ni buokia aia utu.

E ngae ngke e korakora te bubu n kabutaa rarikin te titoa, e bon teimatoa itiakina. Bwai ake a kaboaki nako e moa man katotongan te waa ae e uarereke ao te riena ni karokoa

taian kunikai aika tokatoka mataia ao taian kamumun—taian burenibwai aika karaoaki man taian buroo. E kaboaki nako naba te karewe are e kamaanaki—beneka—te karewe are e kamangingaki inanon te bwatoro are akea kanoia ao a kakabongana kain te tabo bwa bwain kanaia te ika.

Te kabane mwane e taraki bwa e na rang uarereke; bon ti temana te tia mwakuri, manatian te titoa, ao Kabuaa e tararuua ana titoa are te KAB.T Handicraft Titoa. Iai te roo ibukin te raitinti ni bitineti n te ririki ao boon te iti.

E tarai Kabuaa bwa bon te kamimi te kakabwaia n reken te toronibwai, ao, n aron Beretitenti Thomas S. Monson, e tangiria naba n reiakiniia tabeman aron are e a tia n reiakina.

Ngke e riki ngaia bwa te beretitenti n te Bootaki n Aine e aki toki ni kakaitibo ma aine are e uarereke ke tao bon akea aia mwane are ana kaboi bwai ake a kainanoaki ibukin te maiu. E marurung ni kaungaia aine n te Bootaki n Aine bwa ana ira te reirei iaon te riki n toronibwai n aron are e iria ngkao. E marooro naba ma aine n te kawa ake tiaki kain te aro bwa ana ira te reirei are e kairaki man te Aro iaon te riki n toronibwai ibukia taan karikirake. A mwaiti aika a maamaa n te moan tai, ao ni babanga aroia ngkai ana ira te reirei, ma e buokiia Kabuaa bwa aonga n aki maamaa.

E mate kainabana inanon ririki ake a anako, ma e namakina te kakabwaia bwa nimaan natina aika a ikawai a bon tararuuaia. E kakaitau bwa e konaa ni kukana oin kanana ni mwengana ao n tabetai e karaoa mamaten nanona ae

te tubu ni mai, are e bon kakabonakoa naba n tabetai.

E karabwarabwa Kabuaa ibukin te euangkerio. E ngae ngke e ikawai inanon te Katorika, e mareaki Kabuaa n ana aro kainabana ae te Kamatu. Imwina—inanon 11 te ririki e a reitaki ma kain te aro ae Ana Kakoaua Iehova. Ma—e namakinna inanona bwa iai te bwai ae e kakawaki ae bua.

N te bongina e a noria mitinare Ibukia Aika Itiaki ni Boong aika Kaitira n nakonako imwain te kawai. E kateiai ao n tuangjia ataeinimwane ni mitinare aikai bwa ana kawaria ni mwengana ao ni kaongoraea rongorongan te Ekaretia. E namakina te rau ngke e a ataa te bwai are e bua inanon mauna n tamnei . . . bon bwaninin ana euangkerio Iesu Kristo—ae e a reke irouna ngkai! E bwabetitoaki Kabuaa n Ana Ekaretia Iesu Kristo Ibukia Aika Itiaki ni Bong aika Kaitira n 2000. E bane nanona bwa natina nikabane ana kaina te Ekaretia; ma kukureina n ae e aki kantaningaia . . . a bane n rairaki! ■

Te Reirei bon te king ibukiia kairake aika ikawai

Iroun Tessa Dewsbury

Ntian kanoaan arana bwa e na ira te reirei iaon raain ma te BYU-Hawaii, Rumetati Taarie ae 24 ana ririki ae iaon kawaina ngkai ni bane ana kooti iaon Ana Boki Moomon.

E bane ana tai man ana mition i Aotiteria Iterine Mainiku Mition n 2014. Inanon ara tai ni marooro e “matangare” ngke e uringa ana kanga-na n aki mataata n te bwai are a tae-kinna aomata—tiaki tii naron aia ee n taetae ma kabonganana naba taeka ae e batu ni babainaki n aia tabo ae e rangi ni iruwa iai—ma, e bon tangiria n reiakinii katei aika kakaokoro ao e a uringii aron ana iraorao ae e tam-rooa ma aomata ikekei.

E a bon tia Rumetati ni kaitara ma kanganga aika mwaiti i mwain nakona n mition. E mate bwebwena ae te mwane ngke a rang uarereke ao a manga raure ana karo ma tinana. E ira tamana n nako Niutiran ni moti-rawa ngke waniua ana ririki ao e karaoaki ana karuaiua n koronririki n te tabo naba anne. I mwina ao a kaitibo ma mitirare are a babetitoia nakon te Ekaretia. E kananokawaki bwa e mate tamana n 2003 ao e a kaikawaki iroun ai tinana.

E bua ana reitaki Rumetati ma tinana ao e bon aki kinaa naba, ni karokoa te tai teuana ngke e okira Kiribati imwin ana mition, ao e mena n te titoa, e a ongo irouia tan bobwai tabeman bwa tinana e titirakinii ngkana a kinaa Rumetati—n tokina, te manga kaitibo!

E mwakuri moa Rumetati bwa te tia kanako bwanaa imwain ae e ibuobuoki n te JSSTUC1 te kauarinan n reirei i Kiribati; te mwakuri ae bane nanona iai.

Tangiraia ataei irouna e a buoka Rumetati ni karekea ana iango bwa e na karaoa te burokuraem n te tenua n ririki n reiakinaia ataei n te

moanrinan. E taku: “I tangiria n anga reirei n te moanrinan ao tao n te tai teuana, n tai aika ana roko, I tangiria n reireinii n aron bon oin natiu.”

E a kaman uruaki ana laptop Rumetati n tai aika nako—raoraona temana e kariaia bwa e na kabonga-naa ana kombiuta ni karaoa ana kamatebwai iai i Teaoraereke Titeiki Tienta. E kabanea tao 4–6 te awa ni katoa bong ni kamatebwai bwa e aonga ni konaa n nikira ana bwai n reirei ake a atia iaon taia.

E tangiria ni wareware ni booki aika tabu ao e kakaraoia ni katoa bong. “I namakina ana tangira Tamara are Ikarawa ni katoaa te tai are I wareware ni booki aika tabu—ao karaki ibukin te onimaki a bon ringa nanou.”

Ngkana tao te rabakau n aonabake te rabakau n tamnei, e korakora nanon Rumetati n reiakinii. E kanta-ningaa te nakoraoi, ni kakukurei

ibukin taai aika ana roko ngkai e reiakinii tabeman mwin are e a tia n reiakinna.

“I kan riki bwa te taokita n te tai teuana,” e taku Lyalyn Otia Nebati ae 22 ana riki ngke I titirakina bwa e aera ngkai e anaa ana kooti n te kemetituri iaon raain: “Bon ibukina naba,” e a manga reitia, “Au karo a reiakinai bwa ngkana I tangira te maiu ae e nakoraoi n tai aika ana roko na riai ni kamatebwai!”

E uringa tamana Lyalyn are e a tia ni kitaniaa n 2009. Tinana, are e mamate nanon Lyalyn irouna, bon te tina ae e tamaroa. E mwakuri n te tautaeka n te Aauting ao e tararuua naba Lyalyn ao teniman riki tarina ao mwanena (ngkai uoman a bon maiu ibon irouia).

E tangiriia aomata Lyalyn ao e kaongoraeai kanoan teuana aia marooro ma te tia mwakuri n te tabo ni kouwii are e tuanga bwa a



TESSA DEWBURY

bon rangi ni karoko taan mwakuri n te kouwii iaon te Betebeke. E taku Lyalyn, "I tangiria n riki bwa te tao-kita—ke te tia kouwii—te ibuobuoki nakoia kain au kawa bon kaman au iango inanon maiu."

E bungiaki Lyalyn n te aba ae uarereke ae Nauru. E maeka ngkai ma tinana ao tarina ma mwanena iaon Tarawa i Kiribati ao e karaoa ana reirei iaon raain ni kabongana Teaoraereke Titeiki Tienta n toma ma te intanete ao kateitei ake ruu ni kamatebwai. E kantanningaia bwa e na reke ana beba man te Reirei ae e Rietata n te Betebeke ao e kabanea ngkai ana tai ae mwaiti, tiaki n tii kamatebwai te kemetituri, ma te Ingiriti naba.


Ngkai bon ataein ngkoia te reirei ae te Moroni High School, e a tia n reiakina te kakukurei ao ni katoonga n taai nako te korakora are e reke man kamatebaian te euangkerio. E tekeraoi, bwa e tangiria n kan reiakinii bwai Lyalyn ao ngke e mena n ana mition i Biribin e rang tauraoi n tibwuaa ana atatai iaon te euangkerio.

Bon ataein te Intitute ae e taningamarau Lyalyn—ai bon tii tabeua riki kakoroan ana awa ni kooti imwain ae e bane ana tai. "I tangira te Intitute," e taku, ". . . e bon raka riki karekean te reirei n tataneiai iai nakon te Tieminari. E anganai kamatatakiau n ana reirei te Ekaretia aika a korakora."

Ma tiaki ti aikai! E a tia n reiakina aron te mwakuri n te mweenga Lyalyn. Ni katoa ingabong e kaitiaka te auti ao ni karaoi tabena imwain nakona n reirei n ataia bwa ana mwakuri e kakabwaiaia ana utu iai. ■

Te Anga Nano ni Mwakurin te Karao Wii i Kiribati

Iroun Tessa Dewsbury



*Mwin ana
mwakuri n
ibuobuoki Dr.
Clyde Larsen
ae e korakora
bon kerikakin
aorakin te wii
ao karababan
te atatai n
itiakin te wii.*

nanon 15 te ririki Dr. Wayne Chisholm mai Monroe, Utah e a tia ni kaoiia tan anga nano mai Aotiteria, Tonga, ao mai Amerika bwa ana ibuobuoki n anga te mwakuri ni karaoan te wii nakoia ataein te reirei, tan mwakuri, ao tia reirei man te Moroni High School ao mitinare Irouia Aika Itiaki ni Boong aika Kaitira.

Te ibuobuoki, bwaai n aoraki ao bwai ni mwakuri bon bwai n anga nano ao a katauraoaki inanon te maan ae teniua te wiiki ni moan te ririki.

Mwina ae e korakora bon kerikakin aorakin te wii ao karababan te atatai n itiakin te wii.

Dr. Chisholm e a tia ni kaira kabobongaan te kiriniki ae e teimatoa kabonganganakina i Pasanga High School i Apia, Tiamoa, ao n te Liahona High School i Tonga.

N te abamwakoro teuana i Kiribati ae Abaiang, te mwakuri ni ibuobuoki iaon karaoan te wii e karaoaki n ana tabo te Katorika n te maan ae uoua te wiiki iroun Clyde Larsen. N te tai anne ao e kaaniia 800 te wii ae e koutaki, 350 te bono wii, 600 ataein te reirei aika a reiakinaki tuan itiakin te wii ao a kaitiakaki wiia inanon reirei ni kawa nako; a kawaraki reirei aikai ni bao rebwrebwe.



Te aroaro iaon Abaiang e bon tiku n arona ngko. Mitinare are a bwanin aia tai n aron Titita Silito ao Titita Robison ao Elder Weenig ao Elder Sanf a ibuobuoki n tabetai—te mwakuri 10 nakon 12 te awa n te bongina, onoua te bong n te wiiki ae e reitinako.

Dr. Larsen e kabwarabwaraa bwa kainanoan te karao wii e bon “taonamoana”, ma e taekina bwa kain te tabo a bon rang akoi ao n taotaonaki n nano—a konaa n tekateka iaon te inaai n te tai ae maan n taninga aia tai.

E taku: “E noraki bain te Atua ni mwakuri tiaki ti n tebongina ma nikatoa tai. Bon te kamimi bwa ti konaa n riki bwa ana tabonibai te Atua ni buokia tekoraki aikai—bon tiaki te bwai ae manikangareaki te mwakuri aei irovia nake anga nanoia ni mwakuri.” ■

AREA WEBSITES

The banner headline reads: "Peter Cowan: World Champion in Waka Ama" with the quote, "I couldn't do this without the Lord's help."

LOCAL ARTICLES:

- Tongan Dad Gives Up Football, [About His Children](#)
- Acting on Blind Faith

UPCOMING EVENTS:

- All Events

LEARN MORE:

- Request a FREE Book of Mormon
- Talk to Church Representatives

TOP STORIES:

- FEATURED STORY: Latter-day Saints Attend Ratana Church Centennial Event
- FEATURED STORY: Helping Kiwi Communities
- TOPIC: Mormonism Basics: FAQ
- NEWS RELEASE: [VIDEO: Introducing Mormons](#)

Local Site – Pacific: pacific.lds.org

Newsroom – Australia: www.mormonnewsroom.org.au

Newsroom – Pacific: www.mormonnewsroom.org.nz

Salle de Presse – Pacifique: www.mormonmedia.org.pf

ITERANIBA N TE TABO

Am Iteraniba n te tabo e katauraoaki irouia kaain te ekaretia n oin ami tabo iaan ana kairiiri te Beretitentii n te Aono bwa e aonga n taekinaki iai kainnanoia ao aia mwakuri kaain te ekaretia n te tabo ae ko maeka iai. Karinakin iteraniba n te tabo ni katoa baan te beeба ni kaongora e nakon tauraoin kanoana man te tabo. Ti kaoi ngkami bwa kam na tibwauai ami onimaki ni karikirakei iango ao mwakuri man kawaran am eteta n ami tabo n te:

liahona-pacific@ldschurch.org ■

ANITA ITERANIBA TE BETEBEKE

Karikirakean te Roro o Rikirake

Nia no te ika e faa te koumoune māori. Maatanga. Beretitentii, o Oceania mea mea, ake e kai. Te koumoune māori, ake e kai.

Katabwenaan – aontano hi bukamaru iubukin te Titiki Tienta ae Bou

The Pacific Home of Service in Apia, Samoa, recently held its annual Titiki Tienta service day. About 100 volunteers, mostly from the local church, participated in various service projects throughout the city. The service day included activities such as painting houses, repairing roofs, and providing meals for the less fortunate. The service day was organized by the Pacific Home of Service and the local church.

Titiki Tienta

Titiki Tienta

Titiki Tienta